


# Mālō e lelei mei Malēsia!



**Mālō e lelei!**  
**Ko Mako mo Paolo kimaua.**  
**'Okú ma 'a'ahi ki Malēsia!**



'Oku sai'ia 'a e ngaahi fāmili 'i Malēsia ke nau 'eve'eva 'o kai fakataha. 'Oku lava 'e he kakai 'o fakatau mai 'a e me'akai mei he ve'ehalá he 'ahó mo e poó kakato.

Ko **Malēsia** ko ha fonua faka'ofa'ofa ia 'i he Tonga-hihifo 'o 'Ēsia. 'Oku 'i ai ha kāingalotu 'o e Siasí 'e toko 10,000 nai mo e ngaahi kolo 'e 33 'i Malēsia. 'Oku toko si'i ka 'oku mālohi 'a e Siasí 'i ai!



'Oku 'uHINGA 'a e *keluarga* ki he "fāmili" 'i he lea faka-Maleí. 'Oku sai'ia 'a e fāmili ko 'ení ke nau va'inga fakataha 'i he pāká.



'Oku tui 'a e kakai 'i Malēsia ki he ngaahi tui fakalotu kehekehe 'o kau ai 'a e faka-'Isilamí, faka-Putá, mo e faka-Kalisitiané. Ko e ngaahi sitepu fakalanulanu ko 'ení 'oku 'alu ia ki he 'Ana Patú. 'Oku tu'u 'i loto ha tempale Hinitū 'i loá!



Ko e fānau Palaimeli ko 'ení 'oku nau tangutu 'i mu'a 'i ha faka'ilonga 'a e Siasí 'i he lea faka-Maleí mo e lea faka-Siainá. 'Oku lea 'aki 'e he kakai 'i Malēsia ha ngaahi lea fakafonua kehekehe. 'Oku tokoni 'a e kāingalotú 'i he lotú ke fakatonu lea kae lava ke mahino ki he tokotaha kotoa pē.



'Oku 'ufikaua e konga lahi 'o Malēsia 'e he vaotá 'akau lalahí. Ko e nofo'anga ia 'a ha fanga monumanu fakaofo hangē ko e taika Malēsia mo e ngeli ihu lōlōá.

## Fe'iloaki mo ha ni'ihí 'o hotau ngaahi kaungāme'a mei Malēsia!



'Oku finangalo 'a e 'Otuá ke tau anga'ofa mo tauhi 'a e ngaahi fekaú.  
**'Anika C., ta'u 7, Kuala Lumupua, Malēsia**



Ko e tefito 'o e tui hono faá 'oku ou manako taha ai: "Oku mau tui ko e ngaahi 'uluaki tefito'í mo'oni mo e ngaahi ouau 'o e Ongoongoleléi ko e: 'uluaki, Tui ki he 'Eiki ko Sísū Kalaisí; uá: Fakatomala; tolú, Papitaiso 'i he fakauku ke fakamolemele'í 'a e ngaahi angahalá; faá, Hilifaki 'o e nima ke ma'u 'a e me'a-foaki 'o e Laumālie Mā'oni'oni."

**Leifi C., ta'u 8, Kuala Lumupua, Malēsia**

**'Okú ke ha'u mei Malēsia? Tohi mai kiate kimaua! 'Okú ma fie fanongo meiate kimoutolu.**



**Fakamālō atu 'i ho'omou fie mamata 'i 'a Malēsia mo kimauá! Tau toki sio!**